

194* In questa matina, nel Collegio di XXV de Pregadi et Zonta, fo expedito la differentia, zerca el dar de le legne a soldati, fra la terra et territorio; et poi aldito le parte, fu messo per sier Alvise Soranzo et sier Zuan de Prioli presidenti, che ogni anno el territorio dagi cara 150 legne, per metà el pian et el monte, et volendo li soldati de più, la terra pagi la metà et el territorio tutto l'altra metà; et questa ave 15. Sier Francesco da Leze uno di presidenti messe si desse carra 200. Ave la soa ballota sola, 3 de no, 1 non sinceri.

A dì 8. La terra, heri, de peste uno, loco novo, et 17 de altro mal.

Da Fiorenza, di sier Carlo Capello orator, di Come havendo per la sua commission, di exortar quelli Signori a mandar come collegadi presidio de zente in Lombardia per la impresa de Milan, par li habino risposto che fanno assai, et voriano la Signoria fusse contenta contribuir, et cussì el re Christianissimo, a tuor a stipendi de la liga li lanzinech è con cesarei, li quali è in l'Apruzo, et erano con monsignor de Lautrech, li quali veriano; et *tamen* che fariano la parte soa, et voleano deliberar nel suo Conseio, et altre zanze haute con li X de pratica.

Da poi disnar, fo ordinato Pregadi per la terra, et leto le lettere :

Di campo, di sier Polo Nani proveditor zeneral, da Pozzol, di 6. Come Antonio da Leva era ussito de Milan con zente, et venuto su la strada per socorer Cassan, et li mandò a dir a quel capitano che se tenesse 4 hore che 'l veria a socorer, ma loro se reseno a discrezione. *Item*, come Mortara è stà messa a sacco per francesi.

195 Da Lodi, di sier Gabriel Venier orator. Scrive coloqui hauti col signor duca de Milan, zerca l'impresa de Milan, qual tien adesso la se farà; ma non voria se facesse el consulto con monsignor de San Polo a Pavia, ma ben su le rive de Tesin, passato che 'l sia.

Da Udene, fo lettere di sier Zuan Basadona el dotor, luogotenente, di Manda uno reporto de uno mandato in Hongaria, qual referisse molte particolarità, et se parti a di 10 Marzo: come a Buda era el vicerè con , et che le zente de l'archiduca era a campo a certo loco....; che l'havea 80 barche nel Danubio; che del turco nulla se parlava; et che 'l campo de l'archiduca era 5000 persone zoè cavalli.

Del signor Jannes Maria Fregoso governador nostro zeneral, fo lettere, date al campo

a Pozzol, a dì 5. Scrive zerca la mutination fatta per li homeni d' arme, che tutti è mutinati, excepto la compagnia del capitano zeneral. *Item*, del passar de là lo exercito in ordenanza con l'artellaria.

Del signor Camillo Orsini governador in Puia, fo leto lettere, di 29 April. Scrive li successi de li, et provisioni fano per la bona custodia de la terra, et non stimano li inimici, i quali, per relation de uno del campo, ha retrato le loro artellarie etc. *Item*, scrive et risponde a la lettera scritoli per la Signoria, dicendo è per meter la vita per questo excellentissimo stado, et se provedi de danari.

Di Barletta, di sier Zuan Contarini proveditor de l'armada, di 2. Come partite de Monopoli con la gallia Pisana, per venir de li a portar la lettera de la Signoria al signor Renzo. Zonto, soa excellentia era con mal in leto per uno calzo li fo dato, et scrive parole *hinc inde* ditte, et la lettera datoli, el qual se offerse in far el tutto a beneficio de la Signoria, ma per esser a comune fortuna col re Christianissimo. Scrive haver hauto la lettera del Senato, che 'l vadi a Corsù, per poner ordine di andar in Ponente, et cussì andarà, zonto l'arsil. Prega li sia dato tanti beni de ribelli, che 'l possi viver, de quelli de Puia, in loco de la ballesstraria l'ha a l'anno, con questo non li sia data alcuna cosa fino che in Ponente non fazi operation che lo debi meritar.

Fu posto, per li Savi sora le pompe sier Zuan 195* Contarini et sier Lunardo Minolo, cerea ritornar le cadene d'oro fino a la summa de dueati 40, et bandir le altre de , de vero, calzedonia etc. *Item*, non se possi far foze nove, con certe clausule; la copia sarà qui avanti scritta. Ave: 155, 27, 1, et fu presa.

Fo fato eletion di do Savii ai ordeni in luogo di sier Zuan Gradenigo et sier Marco Marin, non hanno provà la età; et pagador in campo; et chi romase et fono tolti, sarà qui soto notadi.

196. Do Savi ai ordeni.

Sier Vettor Soranzo, qu. sier Zuane,	
qu. sier Nicolò, qu. sier Antonio	
cavalier procurator	75.129
Sier Antonio Arimondo fo podestà a	
Piove di Sacco, qu. sier Antonio	77.128
Sier Filippo di Garzoni fo extraordinario,	
di sier Francesco	125. 83
Sier Piero Diedo, di sier Zuan Francesco,	
qu. sier Michiel	129. 78